

庸

言

庸言卷第七

政教第七

問政教曰政者正也人君正心以正朝廷正朝廷以正百官正百官以正萬民四方遠近莫敢不一於正是也教者孝也天之經也地之義也民之行也以孝事君則忠以孝事長則順推而放諸四海而準是也合而一之正心是亦為教也孝友是亦為政也其本諸心之所同然者乎凡蓄理義日深則應事及物無非達德達道之推於政教乎何有韓非商鞅亂聖人之政矣嚴刑以濟貪若力行之老

聃瞿墨亂聖人之教矣養生而談空者篤信之溺
於利欲故也理義凝聚則利欲日消胸中浩然無
蔽然後一而能大其政教之本與

目有同美知正色者鮮矣耳有同聽知雅音者鮮矣
口有同嗜知正味者鮮矣至於心六合雖廣不能
異也豈惟民哉天地鬼神不能異也前乎五百有
餘歲而有聖人出焉不能異也後乎五百有餘歲
而有聖人出焉不能異也其理義一也故曰君子
之道本諸身徵諸庶民考諸三王而不謬建諸天
地而不悖質諸鬼神而無疑百世以俟聖人而不

茲斯道也其必求諸已乎將有為也將有行也推
之使出則一者大天地之昭也鬼神之列也上下
四方之矩也先後聖人之節也符合於彼而屈者
信闔戶顯諸仁矣誠之通也既有為也既有行也
收之使入則大者一天地之心也鬼神之會也上
下四方之宇也往古來今之宙也歸宿於此而信
者屈闔戶藏諸用矣誠之復也三極流通無有間
斷孰能異之苟異乎此則異端也佛氏圓覺覺性
體之圓而不知方之以義遺外者也老氏致虛致
心體之虛而不知實之以理廢用者也今之陽儒

吟釋取孟氏一語以立門戶者不思理義其流也
殉欲射利喪其良心傳曰心不在焉不見不聞不
知其味其斯人之徒也夫

天下無道外之器故先王禮樂政刑皆出於道應事
處物迹雖在外皆吾心之理之所發見以所以為
道也凡雜服安禮操縵安絃與干戈羽籥用以為
教者名物度數之中天人性命之理存焉至於刑
名律令皆根於理內外一致心迹無二豈若異端
虛無空寂厭棄事物之理專事本心虛靈以弄精
神哉格物即物而窮其理理具於心而窮之則心

中之理發而為義非義外也必也目擊其器耳聞其聲手執其業身習其事然後心游其藝悅繹其理而道在我矣今之學者方業舉則以聖賢經傳為大累一旦發身得政如蒼鷹之脫鞲乳虎之出柙飛躍吞噬靡不為也溺於利欲豈復知孝弟忠信為何事哉其本亂而所厚者薄雖行政教人之聽詔曰其身不正雖令不從大學曰其家不可教而能教人者無之以後世所以無善治也有好名者聞講心學超脫理障事障輒大喜其滌去大累則篤信而從之豈不以為經書政教皆器之末

而所講者乃道之本與及應事處物則茫然矣予
督學時令諸生習射久之容體比於禮聲音比於
樂宗室以及士庶莫不樂觀至有上書稱贊謂觀
感之下自覺人欲淨盡天理流行者迨復入翰林
焦春坊司諫見大興隆寺廢址建議欲立為射圃
如洪武舊制令觀政歷事諸士習射因講習車戰
弩砲以備狄仍倣洪武辛亥會試四書疑凡銓試
授官射策三十道中者得依本等除授不中者需
次後銓策於經史三禮發問不過數語對者止陳
註解名物如齊車蒲植之類度數如璧羨圭卽之

類政刑亦論其大者各無今制如集禮會典律令
諸書俾折衷焉所以驗其才識也後再入副官詹
首相留讌因論邊事務得人材且置河套於度外
夏色大沮因講心學大類禪和而予且罷歸矣大
氏語心遺迹厭常喜新近時搢紳之通習也

夫子之翼易也乾坤開闢之後立人極者當志於正
而世多忽之蓋屯有君道而主震初九利建侯長
男宜君之象也蒙有師道而主艮六五童蒙吉火
男求我之象也坎以中男當長兄幼弟之間故在
上則後震而小貞在下則先艮而納婦彖倫叙則

人極立可曠正與故震以陽下陰為民所歸當難
生之初居貞求志思以濟難故曰雖磐桓志行正
也蒙以五應二純一未發求長者告之故曰童蒙
求我志應也蒙以養正聖功也今日之所養他日
之所行其惟所志之正乎志也者心之所之也正
也者事理當然之極致可欲之善也志於正則止
於是而不遷可欲之善日長可惡之惡日消以心
無復有不得其正者矣大學止於至善中庸無惡
於志皆是之謂也將任君師之責以行政教者其
可忽乎內省其善不善亦惟責志而已

孔子言政刑德禮孟子言善政不如善教之得民也
蓋民可使覲德不可使覲刑驟示以刑當則駭而
不親矣必先御衆以寬臨事以敬寬則仁仁則有
德矣敬則莊莊則有禮矣以吾所履者立為規模
制度使之觀感變化其有不率不諫然後不得已
刑焉猶天地之道悠久所以成物也故德禮為先
政刑為後苟政刑是去則老莊之教矣吾其徵諸
書乎大禹曰德惟善政政在養民而舜則命皋陶
明于五刑以弼五教伯夷本典三禮者也呂刑則
曰伯夷降典折民惟刑契既作司徒敬敷五教在

寬矣然猶朴作教刑焉則是政刑未嘗一日去也由以觀之政教皆以敬為主寬為用敬非矜持也整齊嚴肅一其心而不放也寬非縱弛也優游浸漬入其心而不覺也寬則道之以德而後政以養民敬則齊之以禮而後刑以弼教政教之善一而已矣故桓撥之頌本乎率履者禮也敬之謂也放勲之命至于振德者惠也寬之謂也觀於敷教而政可知已易於乾坤不言志屯以下則屢言之者天地之道存乎人也志立於未有為之時則能定能應可以有為故博學而約以禮問辨而居以寬

非志之先定者與夫子之教猶堯舜之教也今以
脫灑為樂而不拘禮法非敬矣以頓悟為宗而不
由漸進非寬矣日喪其心而猶自以為是使之從
政則民事漫不加省嘵嘵然講心學而任己見蓋
其志素不明故也夫豈可以入堯舜之道哉

君子之道體用合一為學所以為政也立德所以立
政也顏淵德行人也告以為邦仲弓亦德行人也
可使南面政事冉有季路反不與焉其務本之意
可見矣是故敬所以執事也信所以孚民也不動
而敬先有敬德乃可以敬其事不言而信先有信

德乃能信於民德惟儉乃能取民有制德惟仁乃
能愛人而時使夫時使乃愛人之一事耳舉而言
之何哉人莫不欲逸思所安之莫不欲壽思所保
之莫不欲富思所阜之濫費其財則民心傷嚴核
其情則民命戕害用其力則民時妨五者所以不
可相無也節用則藏富於民阜其財矣愛人則好
生之德洽其心矣時使則說道使民忘其勞矣雖
以敬信為本然信非敬不行則敬又為信之本也
敬者主一而已敬以安民則妙用顯行而一者大
民安於敬則神功收歛而大者一體用之易簡如

以堯之欽明舜之溫恭皆以物也季路他日問君子惟推脩己之敬告之其以以哉

先王之制兵車出於田賦詩云公車千乘春秋書用田賦魯論則有盡徹之義王制寢變可知也當時盡民之財二猶不足用弗節矣盡民之情戰于升陘民弗愛矣盡民之力浚洙築臺使弗時矣夫子之言當世弗能用也漢唐以來無復知之者惟宋名相以節用愛人輔其君故仁宗之世幾致太平東萊呂氏有慨於宋神宗而追慕仁宗故論漢文帝而致憾武帝夫文帝惜露臺百金仁宗惟帝

縉以類皆不盡人之財也赦緹索而愧張武與大
辟必上讞以類皆不盡人之情也匈奴犯塞竟不
窮兵廢曆兵制惟恐黷武以類皆不盡人之力也
然二君者已無敬信為之本矣況武帝之虛耗神
宗之新法而盡違夫子之教者乎故斯五者遵之
則治違之則亂豈止道千乘之國哉帝王治天下
之大本也

禮與非禮感動心志其機在目而耳次之古者胎教
日不視邪色耳不聽淫聲王后妊太子尤重及太
子孩提逐去邪人不使見惡行保傅講明仁孝禮

義以導習之慎選天下端士孝弟闕博有道術者
以輔翼之使之與太子居處出入日見正事聞正
言聞見之知與德性之知合則太子正而天下定
矣此三代所以有道之長也深宮之中狎近婦寺
鄙藝惰慢習與性成一旦出閣見正人則猶刺之
近目也聞正言則猶風之過耳也仁孝禮義無由
感動而反以非禮爲是矣天下之本曷由正乎故
三王教世子必以禮樂脩於內外是故其成也懌
恭敬而溫文予嘗撰次盡性盡倫之說爲聖功韻
詒見其序則猶禮也聞其聲則猶樂也力進之而

夏公沮之謂待能識字知書而後可嗚呼難矣哉
周易九為陽爻六為陰爻初三五為陽位二四上為
陰位陽爻居陽位陰爻居陰位為正反是則不正
二五為上下兩體之中三四為一卦全體之中是
謂中爻中在心正在身卦體身也而其用心也乾
之九二龍德而正中者也開邪存誠正以立中故
知崇於學問而仁行坤之六二陰爻居陰位則中
正矣故直方大敬義立而德不孤貞者正也若利
牝馬貞利君子貞而亦有大貞凶者矣孟康曰小
貞臣也大貞君也初陽在下衆方歸之坎以中男

次震建侯屯其膏以待君施則吉苟擅行之凶可知也是故隨時之義又在中以行正焉正其矩乎均齊有一定之則中其權乎輕重適萬變之宜為政以德之象北辰也無為而守正者也敬授民時之測中星也有為而隨時者也君子而時中未有失正者若事雖正而處之不合時宜則於理無所當是其正而不合乎中矣故中以正為體正以中為用夫然後時措之宜也當洪水之時使鯀治之豈非中乎然方命圯族則其體不正淮南王長之殺辟陽侯梁孝王武之殺袁盎豈非正乎然有兄

為君近於大貞矣刑賞擅專其凶一也故中無不正正有不中必也正而後中則易之時在哉矣治人之道中正而已矣堯曰允執厥中舜曰罔或干予正以政治之源也居正不可以踰矩執中不可以無權是知矩誠設焉絜而度之於彼无往而不正也權誠懸焉舉而運之於彼無往而不中也天下之本在國國之本在家家之本在身凡正倫理篤恩義皆出於一原非心則孰為之矩乎自身達之家自家達之國自國達之天下凡立紀綱施法度散為萬變非心則孰為之權乎詩云刑于寡妻

至于兄弟以御于家邦文王之道形於政詩人未始言心也孟子推本而釋之曰言舉斯心加諸彼而已心之在人矩與權也至于治人特舉而加之耳是故道也者中也政也者正也周易發明於文王孔子傳之於觀曰中正以觀天下為治之道固大觀之道也

大學體用合一明明德於天下一言蔽之蓋理一而已舉斯心而加諸彼絜矩必以義為利而後已焉夫豈外於心之所同然者哉具於內則性即理也盡性所以盡倫也應於外則事即義也盡倫所以

盡性也其本治則其所厚者自不容薄此體用之
所以合而天下之所以囿於吾德也德莫大於仁
義仁以事親孝故忠可移於君義以事兄悌故順
可移於長擴而充之慈以使衆恩及四海未有不
本於此者固堯舜帥天下之道也明明德於天下
則百姓人倫皆舉之矣然理義之悅我心者君子
也天下之民汙於利欲舊矣惡乎悅之吾惟日新
其德如盤銘日盥以自潔民之無情好訟不能訢
者奚責焉惟求止於至善則義利明于道學仁讓
興于自脩忠信存于恂慤驕泰消于威儀初非有

意於化民也得於觀感則民志大畏而自新何則
舉天下有恒性者孰非吾明德之具於內者乎此
謂治其本也王者臨雍養老躬行孝弟以及孤幼
用風厲乎人人故其燕詩曰視民不挑席有其人
則侈為光寵故其燕詩曰張仲孝友不孝不弟之
士必首刑之而後不嫺不睦者徙之耻之率教則
復之故曰謹庠序之教申之以孝弟之義又曰人
人親其親長其長而天下平何則舉天下有人倫
者孰非吾明德之應於外者乎此謂厚其倫也治
其本而達其末推其厚以及其薄則民之不能

者皆吾盛德之至也是故明明德於天下一貫之道也

心之所同然者自一而大則與天同此言非不切於人也今夫婦之愚不肖見人無理者則必責之曰汝何無人性哉倏喜倏怒當哀而樂者則必指以為不情性即理也情無性宰則不情而為小人矣聖人之心以天地萬物為一體其視天下凡有血氣者皆欲安全而教養之以性情乃心之所同然故也堯舜禹之相授受危微精一允執厥中以盡性為大綱其命契以五者天下之達道則以盡倫

為條目施及三代教者教以學者學以學問思辯
實用其力察之真中之篤則至誠能盡其性天地
我位萬物我育自一而大與天同矣道豈遠人乎
哉夫一者誠也主一者敬也戒慎恐懼必慎其獨
由敬而誠也雖三聖人以至誠治天下亦兢兢業
業無教逸欲奈之何弗敬邪後世學者自私自利
燕辟則喜箴規則怒其有人性者暫時矯飾以為
偽爾是故任道以輔君者心不容湏臾放志不容
湏臾放心放志隳則怠勝敬而偽萌矣偽萌於心
則發於政事有不容掩者如病作於心而脉已形

飲未及醉而色已見可畏也哉

勅諭有曰為學工夫必收其放心主敬窮理毋得鹵莽間斷其於脩己治人之方義利公私之辨須要體認精切庶幾趨向不差他日出仕方能顧惜名節事業可觀欽誦而深味之為學之道莫要於此蓋人之一心忽慮萬起萬滅一念而正則敬勝怠而理以明一念而不正則怠勝敬而理斯昧當其一念正時實用其力使念念皆正充之所欲必正所樂必正凡厥所為無不一於正則以心萬理皆備有如天地翕聚而後發散是即誠之之功漸造

于至誠無息以心體認道理何往而不精切推
以心建立事業何往而不可觀然放心常須自察
非生於慾則生於怠先儒謂治心以飲食男女為
切要蓋人心惟危莫大於此以而能有定力則心
常惺惺作得主宰復何放之有夫既口體不吾累
而道行於妻子則其所以治人與辨義利公私者
皆可知矣斯固胡安定之教法也予督學首以此
訓戒諸生焉

學效無成皆由師道不立今之教官賢否不齊先須
察其德行考其文學亦明訓也夫師道有五一日

以倫理迪士二曰以嚴敬率士三曰以禮樂造士
四曰以恩義馭士五曰以薦實勵士堂名明倫即
所謂崇正學迪正道者凡講誦經書程督課業皆
爲此而設若諸生有事干倫理者開導引翼務求
盡善而後已然必反諸身焉是故迪士以倫理則
道明矣敬敷五教在寬非縱弛也因其本諸性者
雍容教之必立規矩慎賞罰百務井井罔隳使樞
趨者如對聖賢然後人知敬學是故率士以嚴敬
則道尊矣邦國家鄉之禮當釋奠則臨以齊明斥
黷慢之徒而時舉之射則習于圓冠則習于堂躬

率而酌行之樂則擇諸生之童者歌之舞之俾觀
聽興起而邪侈銷焉是故造士以禮樂則教化行
矣體恤貧乏事皆從省凡有期約督責必量處之
務求中節使忘其拘束之勞而知有師友之樂是
故馭士以恩義而人知德矣非澹泊無以明志非
寧靜無以致遠違之則日入於浮靡而營私取罪
孰若安分之為福哉尚頴訓誨不妄交游志尚玄
虛反之以誠性度曠達崇之以恪言辭敏給濟之
以訥舉止輕揚持之以重好尚侈華敦之以朴血
氣衰餒守之以廉是故勵士以篤實而民知方矣

夫為學之道嚴師為難道不明不足以為師道不
尊不足以為師教化不行不足以為師人不知德
不足以為師民不鄉方不足以為師因以五者而
施德行經義治事之三物焉士固不令而從教也
人有四端惟辭讓易失寇盜娼優其失仁義之心者
乎然言及之未有不覺其非者蓋是非之心即虛
靈知覺故也知善為是惡為非則華夷皆可化矣
朱子解毀譽章曰斯民也是指當時之人而言今
世雖是習俗不美直道難行然三代盛時所以直
道而行者亦只是行之於此人耳不待易民而化

也况蠻貊習俗朴野未至澆訛者哉予留學始至
蒼梧沈大叅良佐王僉憲世爵告以府江猥老多
鈞官舟取賞者近李方伯費百金乃免予篋箚無
有也惟令指揮凌溥揚舡先往諭以上下禮法比
過大藤江猥老跪謁舟行迅急惟戒其改惡從善
唯唯聽命至足離則同徒數百伏莽中止令為首
者三人出謁予開悟以人性本善必先孝順父母
父母養汝亦甚艱辛何苦為惡以喪父母生成之
軀汝肯孝順吾將擇汝子弟教于社學亦孝順報
汝矧成材又有顯揚之日邪柳州種人已有登進

士者矣汝徭乃獨無邪人能為善天必報之三人
皆喜舉手加竹帽上曰天使公來教也賞曆各二
冊拜跪稱謝如禮欣然而去未幾高憲使公韶過
之獻雙藤曰已感教化不敢復索金矣予乃撰勸
化文通行諭之後至平樂龍守大有領徭童俸倫
韋仲金等三十八人入見皆知書循禮遂遣入社
學於此見人性皆善直道可行孔孟豈欺我哉
予在懷集聞老母有病棄官歸養荒遐粵洲之麓
先人弊廬而休焉諸朋推予為師予以涼德力辭
不獲乃依白鹿洞規以為條約其一曰親義序別

信為五教之目此即所謂道學也每講經書於藝
倫常變當不必敬歎之幸反求諸身心其二曰博
學審問慎思明辨篤行為為學之序所以學以達
道者也凡有論說隨即記錄先主傳註詳說明白
各許請益務盡學問工夫諸儒之說與傳註有同
異者及後折衷務盡思辨工夫仍冀見諸躬行毋
得徒事口耳其三曰言忠信行篤敬懲忿窒慾遷
善改過為脩身之要此即篤行之大端也學問之
道在求放心心之放多不自覺何處求之只在言
行相顧而已言能顧行行能顧言自然謙和謹恪

心便常存久則不怨天不尤人不遷怒不貳過所謂孔顏樂處皆在其中矣諸朋當為躬行君子先宜盡洗俗態每於夜氣清時歛神靜坐用朱子調息法久之自覺平日言行差謬所以招悔尤處朗然明白所謂心之神明真不可欺也有則改之無則加勉正在此時主靜立人極其要亦在此以實吾所自得者幸相與勵焉其四曰正其義不謀其利明其道不計其功為處事之要蓋合義與道是曰天理事之可對人言者也合功與利是曰人欲事之不可對人言者也能事事體認天理處將去

切勿瑣屑計較功利此心自無愧怍所處之事亦
可對人言之所謂養氣配義與道於是乎在幸相
與勵焉其五曰已所不欲勿施於人行有不得反
求諸已為接物之要此即所謂忠恕也人所以不
能忠恕者只在自以為是而責望於人太深今與
諸朋約凡交際之時務存渾厚人有長短不必彰
揚惟點檢自己缺失為人謀事必忠托人謀事則
不必盡人之忠如此用功推類以及其餘則非徒
全交實為養德

予作鄉禮百家為鄉鄉立之社社立之學前置鼓以

警衆後固倉以儲粟擇保長行鄉約以綜之保長
綜五家為伍程伯子令晉城保伍法也約正約副
月朔德業相勸過失相規禮俗相交患難相恤倣
呂氏鄉約易簡以行之是故鄉約以司鄉之政事
鄉社以司鄉之祀事保伍以司鄉之戎事社學以
司鄉之教事社倉以司鄉之養事保約即為約正
保副即為約副潤澤制宜務合人心而官毋督焉
否則王安石之保甲可啟鑒也然有司必令社師
遙相聞而虞其變苟為力政則亦借寇兵齎盜糧
也已吾廣藩叅西溪徐子乾見而梓行之比嘉靖

乙未鄉落多盜歲且不登諸耆民請于李方伯中
舉行焉

見素林公俊為大司寇嘗與予論公平正大為謹和
緩固君官之要也然不可無剛予曰剛天德也集
義以生則浩然之氣也公平則不至於偏私正大
則不至於苛細勤謹則不至於怠慢和緩則不至
於躁暴以次隨事精察是即集義之節度也已丹
書曰義勝欲者從一於集義則無欲而剛矣少有
欲則自反而不縮焉得剛剛必欲其遜精察其在
茲乎公世曰子之理學可謂渾融矣

政有得失則天有祥異。餐齋徐子問者，好學人也。為
廣方伯與予最善。嘗論臯陶謨無曠庶官，天工人
其代之，天人合應一氣故也。予曰：人其天之氣乎？
氣其性之動乎？是非寂而常覺，惻隱感而常通。陽
生於冬，藏則盛於春，作專一而後直，遂故曰乾元
者，始而亨也。辭讓動而常雍，蓋惡靜而常肅。陰生
於夏，長則盛於秋，歛發散而後翕聚，故曰利貞者
性情也。子朱子謂天人一物，內外一理，流通貫徹
初無間隔。此政之得失，所以致祥異與蓋內外合
一，故心正而政善，天人合一，故氣順而民安。若劉

向洪範傳則鑒矣徐子以為然他日又曰北辰
其機以運元氣列宿各司其局分布以成歲功
命九官宅揆分治黜陟幽明以熙庶績無為之象
正是如此予曰九官各職其一察之必真由之必
熟正如目視耳聽手持足行各不相兼以濟一身
之用而成其心之所欲為故能從欲以治也後世
士夫於臯夔稷契所不能兼之職悉皆敷歷安望
其有成邪故為學為政皆專一而後直遂發散而
復翕聚業成則翕聚於心者又可以專一而有為
矣養生亦如之徐子曰善

為政必有綱紀而重農桑學校使民得以衣食而知
事親從兄喪祭有禮則四海不至於困窮矣後世
王道不行不復以生民為念徒知歛財之巧不知
生財之道徒欲防人之欺不知養人以善徒患法
令之難行不知法令無可行之綱事上則諂猶淫
妻婦也取民則虐猶餓豺狼也徇彘壓人之骨肉
上木被人之文繡猶噍以為奉已薄也計利錙銖
視父母兄弟甚於寇讐而民之數倫者必刑焉科
條雖嚴誰則從之學校雖設誰則化之蓋自周末
而已然矣夫今之稽古言聖君必曰堯舜言賢相

必曰稷契豈真古人終不可及哉天道好生而不
私堯舜順承天道亦好生而不私稷播百穀契敷
五教又體堯舜之心以生此民也民樂其生昭明
時雍若網在綱有條而不紊德其萬方之綱乎有
綱則九族五典之紀以叙而理矣予故曰治其本
厚其倫也

人之出仕不能有所為者由平素謀食憂貧凡可以趨
時攫利竄不為也蓋尚儉乎宋人有言曰與其貧
饒以招辱不若儉而守燕干請以犯義不若儉而
全節侵奪以聚仇不若儉而養福放肆而逐欲不

若儉而安性予喜誦之

造命豈獨君相然哉巡關守郵之吏一輕重其手可以生人可以殺人焉矧貴於此者哉是故君子端委而思民命之我寄也朝以聽政晝以訪問夕以脩令夜以安身堂不求高室不求安不耀威不崇侈

予蒞南雍夙夜惟不能明彛倫是懼乃中五品條約進諸生告之曰為學求放心而已者也心放而知求則必先明義利之辨焉義則循理善之源也利則縱欲惡之源也此心常覺利之終害而惟義所

在則心日以收善日以積美在其中矣書曰怙侈
滅義服美于人驕淫矜侈將由惡終雖收放心開
之惟艱是先王興學見諸政令者也夫崇習侈靡
則制事亡一合宜者義斯滅矣其端萌乎恥惡衣
惡食而弗知求美乎內故其服美則其氣盈其氣
盈則其情蕩其情蕩則其色莊其色莊則其言肆
氣盈曰驕情蕩曰淫色莊曰矜言肆曰侈諸惡作
而侈將隨之可豫知也夫心放已久乃欲學以收
之譬諸隄壞決又焉坊乎今之留都幾務叅於
元臣猶古保釐也統繡羅縠是之自出俗鮮由裡

猶古世祿也。都人士又偽以率之。亹亹談道義。其實戚戚營利欲鳴呼。盍亦內省乎哉。聖人之道得其傳者。顏與曾耳。為邦而問禮樂其志何如也。而簞瓢陋巷不改其樂。絜矩以平天下其志又何如也。而履穿肘見歌聲若出金石。彼富貴何物足以易其內美也哉。

問何如斯可。以謂之人矣。曰樂問樂曰畏未達曰人惟無所樂則營營然而謀也。戚戚然而憂也。惴惴然與物讐也。其視鳥獸有以異乎。曰無以異也。然則可以為人乎。曰否。人惟無所畏則凡可以恣而

言者無不言也雖尤而不顧凡可以恣而行者無
不行也雖悔而不顧既使其身僥然如不終日而
其心亦不能以終日安也如是則樂安從生曰然
然則人之所以爲人者可知已守之一脩之吉動
之無入而不自得斯之謂樂心無所忘亦無所忽
居其室與昊天入居其位與昊天出斯之謂畏畏
則反身而誠而樂生焉樂則心與天地同流而人
成焉世之談名理者類言孔顏之所謂樂而不知
其根諸畏也非畏則心日放而無忌憚矣畏其聖
功乎非畏則昊天明命曷繇而存乎夫天非徒高

高在上而已也氣以成形而理賦焉吾之明德惇然在中者天也士庶人能畏天命者斯能成其身侯王能畏天命者斯能保其國成其身者樂惟內融保其國者樂與人同是故畏也者聖功之始也樂也者聖功之終也欲樂學者尚求諸三畏

琉球梁生炫鄭生憲蔡生朝噐陳生繼成受業于南雍既聞畏樂之訓矣且使之歌詩習禮聽樂他日其國君召歸俾國人式焉將行則又告之曰君子之事君也以人為大其事親也以身為大子之行無有是責焉耳矣夫古之學者始乎畏終乎樂今

之學者始乎自用終乎乖戾子行乎哉畏之至反
為至樂樂之至是為至人以以而成身而不能顯
其親者未之有也其心畏者其言敬以謹其心樂
者其言和以暢以以式其國人而不能媚于君者
亦未之有也非惟是也畏也者戒慎恐懼之謂也
禮之基也樂也者歡欣交暢之謂也樂之經也大
學之教立於禮成於樂而已矣禮樂之化達乎海
外其自茲行乎

修身為為政之本知及仁守莊蒞禮動而已矣凡
物應事雖至微小未有不如以而餽盡善者及

至也大學以道學自脩恂慄威儀為盛德至善亦
以道也故學必講明而知及知必踐履而仁守仁
則動容周旋中禮盛德之至也故曰學至乎禮而
止世之談道者張拱端好繩趨尺步其莊也人皆
仰之然行不掩言中不孚外者多矣是故以言貌
取人而不考其心行非哲也故曰論薦是與君子
者乎色莊者乎

則作郡欲推所學以行政何如曰莫學非政也莫政
非學也吾嘗聞諸夫子矣居處恭執事敬與人忠
學莫有要焉者也雖然居處不恭不可以臨民矣

執事不敬不可以守官矣與人不忠不可以事君
矣學也獨非政也乎哉不嘗聞諸夫子矣先有司
故小過舉賢才政莫有要焉者也雖然有司不先
不可以言簡矣小過不敬不可以言恕矣賢才不
具不可以言壯矣政也獨身學也乎哉夫學也者
知之而後行者也政也者行之本於知者也其必
以未敬與忠先之乎先之以身則有司不令而從
小過日可免而賢才日可興矣

故蘇行政治吏可知曰政猶車也民猶馬也今之
者猶執轡也轡惟宜於馬然後馬不執車令惟宜

於民然後民不駭政馬駭車車斯蹶庶民駭政政
斯有不行矣今夫與人之為車也圜砥規方砥矩
立砥繩衡砥水而凡益軫輪輻輳轂軹輹之屬壯
焉是故君子觀於車而知政今夫馬驅之則行擊
之則奔而逸控之則止而後騁之則進而前其性
然也控之使行驅之使止其將能乎是故君子觀
於馬而知民今夫轡革為之至剛物也執之者人
也執之而絀馬怠而車尼執之而急愈攘迅厲無
以遏其奔橫之勢絀急惟宜斯馬動而驚鳴驚鳴
而和應詩曰執轡如組孔子曰審此言也可以為

天下是故君子觀於執轡而知令之之道問者曰
政貴一也由舊者也民貴順也作新者也令貴調
也動惟特者也辟諸御展轡效駕始諸今日乎而
今而後思所以執轡矣予曰未也有六因焉震滅
糾紛鎮之以靜顛沛難窘恤之以惠昧弱庸闇牖
之以善高矧驕亢化之以恭逸欲披猖嚴之以法
必慈端懿文之以禮樂此之謂六因因俗匡民
要也

予歸自京師諸朋來集乃作講約曰子以四教文行
忠信吾平生惟學乎此而已夫不學不習則善

山朋不孝不弟則仁無由行不忠不信則身無由
誠故文而後成學行而後成言誠而後成物敬事
乎此信乎於民則千乘之國可道也堯舜之治可
效也是故觀於魯論之首而吾儒體用之道備矣
諸朋今後遜志力學好古敏求作文以繫辭為法
一主於理經史必博通寫字必端楷凡吾所輯敬
慎代書苟有疑悞敬加校訂所謂可與共學者庶
其在此尚相與勗之諸朋禮謁官府拜跪惟恭以
事父兄即為盡禮今後敦崇五教必先孝弟月朔
必謁祠堂拜父母處事必務和睦明義利凡吾所

言必須踐履所謂可與並為仁者庶其在此尚相與勗之至於忠信以進德脩辭立誠以居業尤為切要今後終日乾乾收歛此心存於中者無一念之或欺見於事者無一言之不實受業聽講不許違約凡誑說妄為一切自省所謂大道必忠信以得之者庶其在此尚相與勗之

上知不教而善者無蔽也中人教而後善者其蔽淺也下愚教亦不善則蔽也固矣朱子小學數十萬言中人以下鮮克知之予採切要為小學古訓首以威儀次及於弟子之職者端其本也教習之時

歌詩習禮擊鼓為節使之趨向欣歡日忘其頑良
知良能隨事啓發則蔽以漸通矣而況不愚者乎
朱子又謂女子亦當教以女戒諸書惜其不及刪
述予輯姆訓以成其志首以內範若嚴辨內外使
非禮毋由見也婚禮既正則婦德婦言婦容婦功
孝順以處常貞節以處變與相夫教子皆基之矣
夫蒙以養正為本然六三見金夫象女子之愚失
身於外也謹其所見殆養正之要乎

庸言卷第七

庸言卷第八

事業第八

問唐虞事業自堯舜觀之猶浮雲過於太虛可謂輕矣文言大傳何乃重乎曰事者業之始也業者事之成也文言坤之六五自美在其中暢於四支而後發則雖美之至末也非其本矣大傳言卦爻陰陽道寓於器變而通之雖舉而錯之於天下之民用也非其體矣故程子先言泰山雖高矣絕頂之外無與乎山則是太虛以天言也堯舜道與天同成功所極雖曰地平天成萬世永賴不過道之所

形者爾事業形於道中亦猶浮雲形於太虛中也
曷嘗重其末而亟於用哉苟規規於事為之末而
期必功業之成見大意者亦所不屑而謂堯舜重
之乎以吾之所謂一而大也故善有元事有會天
下同歸而殊塗一致而百慮知其元而衆善舉也
得其會而萬事理也浮雲卷舒萬變太虛奚與焉
程子以言雖論堯舜其實孔門傳心之要法也

人恒言事業必曰經綸者以治絲况治世也凡處物
應事必辨其分於先合其情於後則業可成易曰
雲雷屯君子以經綸中庸曰惟天下至誠為能經

綸天下之大經朱子訓釋不同學者惑焉自愚觀
之經者引其緒而分之綸者理其緒而合之其義
一而已矣易言草昧之時名分未定必先立君以
統其民貴賤以位猶引其緒分之而為經也然君
愛民則民愛君相與情洽則政治可辨猶理其緒
合之而為綸也以貴下賤則有君臣之義矣由是
推之乾坤始交見父子之親焉匪寇昏媾見夫婦
之別焉先震後坎見長幼之序焉上無正應見朋
友之信焉是即中庸所謂大經也已蔡氏清以大
綱正萬目舉訓之綱之在綱與治絲若不相似然

然而大綱亦不出乎大經之外則其義固無二也
又奚容以異視哉程伊川訓經為緯綸為緝則世
已有辯其非者矣

人之常情大抵自私而用智其有質美而能文者則
又自是而好高自是而好高則私日勝而智日鑿
矣其務學也必不能遜志其取善也必不能虛心
其禮下也必不能勞謙其臨民也必不能恭己剛
復自用而庶事隳矣故乾不用七而曰用九天德
不可為首也坤不用八而曰用六利貞以大終也
天地自相依附則乾坤互為其用人之合天地者

其惟堯舜乎故夫子以大哉贊乾與堯而坤與舜則否宜若有安勉之異者及其德日見之行也曰允恭克讓曰溫恭允塞一而已矣何者不以陽剛為物先故也不以陽剛為物先故其心德昭昭廓然與太虛而同體太虛之中何物不有而何物終能蔽之乎人能太虛其心以此務學以此取善以此禮下而臨民則堯舜事業即此而在矣是故謙虛遜順無往不吉剛愎自用無往不凶君子以坤承乾法舜事堯則必溫溫其恭

人君致治之道取諸乾坤而已矣剛而有為不始勤

而終怠故曰天行健君子以自強不息寬而有容
不記過而遺功故曰地勢坤君子以厚德載物天
下之賢焉得人人而知之惟論一相使簡九卿各
自擇其屬舉其所知以效於上則無遺賢矣故曰
乾以易知天下之政焉得事事而親之惟委任於
相相分任百司而責其成功則無裨政矣故曰坤
以簡能上以論相為職相道得而萬事理甚矣論
相之難其人也

書曰知人則哲能官人嘗考帝堯之所以知人者有
四焉一曰齔訟以知胤子朱二曰象恭以知共工

三曰方命圯族以知鯀四曰克諧以孝以知舜舜之見知以德行之也朱與共工之見知以言貌也進賢退不肖萬世師之惟鯀則曰异哉試可乃已治水弗績豈非知鯀有子禹終為之成與此所謂惟帝其難也後世銓衡身言書判之法猶以言貌取人而孝廉賢良之科則廢矣然則側陋有舜復出曷從而舉之吾以為科試之後舉其中有德行者不次擢焉則天下不賢者勸矣自非聖君賢相出於至公則天下烏乎服亦惟豫以善養人可也

書曰安民則惠黎民懷之安民之道其必惠而不費

平堯舜以欽明為政本以民時為急務行吾仁也
 是故幽冀雍梁多食麥之民青徐兗豫多食黍之
 民荆揚蠻貊多食稻之民并營戎狄多食肉之民
 五穀之中稻種尤美天下之同嗜者也神農之教
 曰日在奎斗指卯星昏中務民種稻杭日在東井
 斗指午房昏中務民種黍菽日在軫斗指酉虛昏
 中務民種粟麥日在南斗斗指子昴昏中務民獲
 得獵欽若天道敬授人時其本諸此乎今也江淮
 以北民惟逐末而惰於農燕齊以南良田污萊者
 多矣江南吳越力穡而多稅其耕至勤且悉也故

周宮設稻人焉移南就北田日墾則稅日以補置
同嗜所在民必趨之三年有成則邊食足而民安
矣書曰食哉惟時語曰因民之所利而利之其斯
之謂與

語曰禹稷躬稼而有天下又曰泰伯三以天下讓此
兩言天下者皆自子孫既為天子而追言之也如
以辭害意則稷封於有邰而為諸侯古公避狄於
岐下而泰伯為之子曷嘗奄有天下哉是故躬稼
非禹也有天下非稷也禹稷以絕德羿莽以絕力
對舉而言之尚德之竟可見矣立人之道曰仁與

義恭伯讓國而遜王季之後因之而有天下則仁之於父子義之於君臣皆盡其倫焉所謂至德者此也世乃謂恭伯讓天下於殷紂豈不謬哉

皋陶於堯舜之道見而知之其種德也邁矣明德慎罰實其肇端禹之次也其陳謨曰天工人代則天人合一可知曰言可底行則言行合一可知周人追稱之曰敬忌罔有擇言在身惟克天德自作元命是其學本於敬表裏無愧身之所為皆可言於人德之在身自然合乎天蓋已入聖人之域矣夫天之元命不待遠求自能作之非聖人不能也以

仁之於父子言之舜號泣于旻天于父母以固命也夔夔齊慄惟知由仁行爾致替臆底豫而天下化則命自我作矣以義之於君臣言之文王遭紂囚于羑里此亦命也寃侮推遜上貢必適惟知止於敬爾致紂之喜命為西伯則命自我作矣不求元命於天而求元命於性故能以人合天以義立命皋陶之學近紹堯舜而遠開文王者也是故君子言必顧行行必顧言無須臾而不敬然後天未始不為人人未始不為天

伊尹之陳咸有一德也其取人為善之要曰德無常

師主善為師善無常主協于克一其紹精一之傳
開博約之源者乎凡得於心者謂之德德有古有
古不可執一以為師也善為吉德不善則凶天下
之人萬有不同而事亦萬有不同吾之所主者善
而已矣善在此與吾從而師之善在彼與吾亦從
而師之薰收并蓄惟善是師博而求之於萬殊者
也凡心之所同然者謂之善純乎理而無欲純乎
義而無利則善矣如雜以欲而似理雜以利而似
義則非善矣善不可執一而主之也必其理義協
於心之所同然而無二三之雜則天下皆以為是

然後用之是謂克一約而歸之一本者也以此而
取人為善天下其有不心服者哉夫理義安於自
然則一一則見諸政事者純而不雜故傳說得之
以告高宗曰惟厥攸居政事惟醇

人之有生也為大化所驅日在波蕩之中自非先之
以定見守之以定力今日取以明日舍彼今日欲
以明日慕彼憧憧往來溺於人欲之流其不載胥
及溺也幾希聖人崇德廣業則不然取舍之極定
于內私欲之羨絕於外夫然後至善可止德業可
成也文王立德立功蓋用此道故詩曰無然畔援

無然歆羨誕先登于岸岸也者至善當止之地也
不曰至善而曰岸猶夫洪範以王道為王路也人
能先知至善之所在而必止於是何事功之不可
建哉人之得志也暴著其形迹者有之誇大改常
者有之逞其私智曰與天理背而馳矣事功雖建
安能保其終不敗乎故詩美文王曰不大聲以色
不長夏以年不猷不知順帝之則過密之後將之
以譙及其伐崇也因壘而崇降則易易爾今之公
卿不先事而昧則後事而驕無一不昂然自負者
其為德業可驟見矣故曰文王我師也

二南之化其猶乾坤乎乾用九天德不可為首剛當
濟之以柔也坤用六承貞吉柔當濟之以剛也故
大王之德之純也緝熙敬止徽柔懿恭豈非剛而
濟之以柔者乎大姒之嗣徽音也思媚而先之以
思齊相與和樂而存恭敬豈非柔而濟之以剛者
乎剛而濟之以柔正位乎外而天下之男敬備矣
故被其化者是立之野人赳赳可用不徒可為干
城而已曰好逑則與聖人同心同德曰腹心則與
聖人咸有一德結武夫而有文德矣豈非見群龍
无首者乎柔而濟之以剛正位乎內而天下之

教脩矣故江漢之北被其化者皆端莊靜一非復
前日之可求詩人咏之曰漢廣江永至于再至于
三豈非以大終者乎剛柔相濟其化也猶九六之
用也故曰二南之化乾坤之道也

周公之頌文王也曰令聞不已又曰濟濟多士蓋君
以得臣為明也其留君爽也曰耆造德不降我則
鳴鳥不聞蓋臣以事君為良也說者謂鳴鳥鳳也
故君爽矢卷阿之詩取以托興固未必可信也然
其意則與周公同矣先歆之以福祿壽考之盛而
後及賢才自輔之益所以歆動成王也其言君有

令聞必及於賢才之羽翼君明在于得臣蓋可見
矣其言多士之效用也必及於天子之命使是臣
良在于事君又可見其然明良感應何相須之殷
而相遇之疎也故其卒章又以鳳梧桐為比而
因以興車馬之盛焉其意正如周公之蓋成王令
聞今望欲其如文王不已也藹藹多士欲其如文
王以寧也二公忠君愛國之意至矣哉後世元臣
務為密悅而以順為正嫉賢妬能而不欲其進皆
二公之罪人也

先王經綸天下之迹天保以上治內采芣以下治外

治內則宜以天保以上之詩教人矣考之學記曰
宵雅肄三官其始也儀禮曰登歌鹿鳴四牡皇皇
者華何也人合莫大於君臣即君臣則朋友樂之
矣天合莫大於父母即父母則兄弟樂之矣以其
所以不肄伐木棠棣與肄鹿鳴之詩周行則效言
有德也肄四牡之詩父母不違言有孝也肄皇華
之詩周咨下情言有民也有周盛時大學之教行
幼而學之壯而行之皆是物也迨于厲王小雅盡
廢宣王中興內順治而外威嚴將以復天保采薇
之治也言甫文武以憲萬邦猶有鹿鳴之餘焉張

仲孝友以冠萬善猶有四牡之餘焉召虎旬宣以
及四國猶有皇華之餘焉先王盛德至善之澤於
民可見矣

宋人有言曰臣能從善則可以善君矣臣能聽諫則
可以諫君矣未有已不正而能正君者也今之學
者情則好遊豪則好飲甚矣從善聽諫之難也而
況尊為天子者乎舜之命臣翼為明聰而必申之
曰予違汝弼汝無面從退有後言可謂不自聖矣
周成王之命臣也則異於成嘉謀嘉猷入告于內
心欲其順之於外曰斯謀斯猷惟我后之德無亦

自是者乎帝降而王於斯見矣然禹告于舜則曰
無若丹朱傲惟慢遊是好周公告成王曰無若放
王受之迷亂酤于酒德哉今三尺童子好遊而斥
其傲慢好飲而斥其迷亂則必艷然不悅矣以以
自裁他日學古入官其自負可知尚望其能格君
心之非乎

人君之所以治天下者法天法祖而已故書稱周王
曰惟典神天後世人臣所以望其君者亦曰惟天
惟祖宗盛德大業祖宗之所以法天者也脩德保
業守成之君所以法祖者也故天保之詩首言天

福人君曰俾爾單厚何福不除曰日新之謂盛德也曰俾爾多益以莫不庶即富有之謂大業也祖宗錫之以福曰萬壽無疆日新之謂也曰徧爲爾德富有之謂也申言天之福俾爾戩穀以至惟日不足亦日新之謂也以莫不興終于以莫不增亦富有之謂也申言祖宗之錫福曰群黎百姓徧爲爾德而比諸日月南山松柏以章之盛德大業之祝已寓乎其間矣以人臣預宴者所以願其君也至如兩君相見之樂曰文王曰大明日絲首言人君法天而德與天合終言祖宗之大業由於天授

以此奏樂使人君嘗聞之若能法天法祖雖有姦邪告以天變不足畏祖宗不足法其說必不行矣頌而無諂諫而無驕人臣格君之矩矱也諫者法語之言使人從而必改則無驕矣頌者巽與之言使人說而必繹則無諂矣其本諸書乎曰乃聖乃神乃武乃文頌之所由始也曰罔遊于逸曰罔淫于樂諫之所由始也三代而後惟漢近古頌如王褒聖主得賢臣果能無諂乎諫如賈誼可為痛哭流涕果能無驕乎漢晉之臣諫其君則指為桀紂桓靈唐宋之臣頌其君則稱為文武神聖不知皆能

格君否乎要之繫乎上之人而已好頌不好諫是
驅天下而之佞也好諫不好頌是驅天下而之忠
也女無面從退有後言唐虞之君好諫可知矣斯
謀斯猷我后之德周之成王已好頌矣况其他乎
君子於此可以觀世

端天下之木存乎德治天下之事存乎才才者德之
資也德者才之帥也三皇五帝以至禹湯其君臣
未有不全盡者也至于有周文王之德之純非無
才也緝熙敬止其德著矣周公之才之美非無德
也制禮作樂其才著矣孔子聞而知之是故兼盡

人見天厚其德而兼有乎才故曰罔天縱之將聖
人多能也司馬公曰才德兼盡謂之聖人才德俱
無謂之愚人德勝才謂之君子才勝德謂之小人
其論是矣又曰聰察強毅謂之才正直中和謂之
德則是誤以德為才矣吾則曰德之全者大而化
之合五常而成一德才之全者化而裁之通六藝
而貫三才然後才德辨矣非吾孔子其孰能與於
此或曰古聖人才德之全天地中和之至也後世
則智愚賢不肖有難辨者有人於此飲酒淫色不
脩厥行可謂不肖矣然而言詞敏給技藝巧偽使

之臨政治民剖斷如流毋乃近於智者過之乎有
人於此言斤謹勅繩趨尺步無莫不賢之然而言
詞鈍拙技藝卑陋使之從政治民智識昏暗不能
剖斷則又類愚者之不及也由前言之才勝德者
也雖適用而終敗由後言之德勝才者也雖無用
而免咎然則才德如之何其可以兼盡也曰學于
古訓以致知則才日長矣篤于自脩以成身則德
日進矣德與誠立則天下之本端才與誠合則天
下之事治

唐虞三代之書嘗參考而融會之大以民心為天

命蓋天之視聽惟人人之聰明惟天人心向背則
命去留隨之故帝王以天道為職以人時為務
必欽必敬終時者受上刑皋陶曰達于上下伊尹
曰天佑民歸皆合一而言之以心法也堯舜而後
時令莫備於幽詩蓋后稷所傳耕籍蠶績之候三
代世守之者周公述以告成王以治法也商頌曰
稼穡匪懈無逸曰先知稼穡之艱難乃逸則夫殷
之末喪師克配上帝與周之王業所由成皆可知
矣洛邑既宅周公歸政於成王召公作誥欲王以
小民受天永命必疾敬德及召公欲老而周公留

之者以天命民心去留惟人盡數改周聖賢等
老成以固其國家俾克敬監于終喪大否雖念天
威而終之曰予惟用罔于天越民又曰嗚呼吾性
乃知夷狄計畏天命悲民窮而且約知喪心為天
命之本也豈非舉其治王之要使自反諸其時乎
則志之心即羣臣之心也今中原變亂之患防不
設虞無備況且以弱爲安自准之至元無所
事矣然學者必取之於天下之職務莫如吏治所以
平暴漢以來禍亂皆自中原而天亦降劉薛諸公
幾有收則歸矣不意咸亨之後竟失而匹夫牧

劫者則吾不信也夫天能與人時而不能與人道
唐虞三代往矣其法存焉有能舉之其為道也
禦書焉用哉

心非縣空在內不著於事事非隔越在外不與乎心
也天下豈有事外之心哉事隨物至心覺之而好
惡形焉好妍惡媼者謂之人心口之於味之類是
也好善惡惡者謂之道心仁之於父子之類是也
人心之危道心之微出於彼間不容髮理欲不
辨而泛焉應一日萬幾之繁則危者反以為安微
者不復操而存矣於是聲色臭味皆貨取而操有

之天下之民不得以親其親子其子曰因窮而
簡曰吾固心學也堯舜之傳心也果若是乎故大
學始教格乎物理非外也格以心之理著乎事者
也推之治國平天下則絜矩即此而在夫豈以空
談為哉夫公則一理私則萬殊人心不同如其面
焉此私心也私心一萌人自為志吾不知其所終
矣凡有血氣者食味別聲被色而生其本心未嘗
不同也親其親而親人之親子其子而子人之子
其本心亦未嘗不同也皇天既付中國民而吾不
之恤使之泯泯焚焚予刊忘義天其謂斯何而令

可常保哉無亦因其本心之所同者通之而已是
故君子敬脩其可願施諸已而不願則勿以施諸
人執其兩端察之惟精用其中於民由之惟一非
徒存吾心為也用人以正其德理財以利其用衣
帛食肉不飢不寒以利其生無非事也則亦無非
心也以孟子牖齊君推其好貨與不惑一牛之心
達之於民即堯舜所傳之大道也曾子蓋親得諸
孔子矣知至則察之惟精意誠則由之惟一精故
明一故健易之同人曰惟君子為能通天下之志
內明外健茲民志之所由通者乎

之紹堯也制亂以致治而已矣是時洪水方割四
凶在朝黎民阻飢百姓不親蠻夷猾夏寇賊姦宄
譌說殄行交作首咨十有二牧曰食哉惟時柔遠
能邇博德允元而難任人蠻夷率服蓋以人治人
期其效也復咨四岳九官而後告之曰欽哉惟時
亮天功蓋以人合天敬其職也必待考績無陟幽
明而後庶績咸熙始與堯同則其致治也已不若
特難之易矣夫有中國則有蠻夷奚言率服不於
中國蓋舉其難也難者率服易者可知是致治而
人外良固不可以後待也故民知故十年然後

而樂且無敗群則慕餘芻者自遠而至矣斯蓋皋
陶安民知人之謨而舜用之治中國馭蠻夷萬世
不能易也周循虞制養民視年之上下而為之備
視地之豐耗而為之通周知民之貧困孤寡者而
為之恤則食之以時矣分天下為五服而以周索
戎索辨其疆戎索以柔遠周索以能邇也其惟王
位在德元小民儀刑用德賴以為命者故其博信
必以德元而奸惡必行屏絕故能遠至邇安後世
一切反是非但中國民食之失時也邇卒窘於債
帥本色折色支不時給雖有邇郎無由惠之家丁

部曲種雖輒効而內地侵漁則置而不問博信匪
人視驅牛羊而就豺虎有甚焉者矣可勝嘆哉元
則制亂以致治雖九官分職其必以牧民為志乎
豈直牧民實籌邊之南美也

問人君至尊嚴也大人格心厥道何繇曰正己而已
矣立德則誠日宣好學則才日廣篤敬則行日謹
撫撫則譽日隆儀度肅雍見之而欲心消對揚開
雅聞之而躁心釋雖或深居簡接以其為人望所
歸猶知倚重况於密勿相親者乎詩曰有馮有翼
有孝有德以引以翼以之謂也

問井田封建學校肉刑皆相因以成治者為治非以
終苟道爾然井田壞於商鞅封建廢於呂政肉刑
革於漢文帝今之所存者惟有學校而蘇軾猶謂
與古不合然則將何所衷乎曰井田有二法焉吾
能言之禹嘗盡力乎溝洫矣周人因之鄉遂用貢
法遂人十夫有溝其間容洫隨地之高下而為之
蓄洩無問高原下隰截長補短每夫授之百畝都
鄙用助法匠人九夫為井中為公田所謂溝洫者
則限田之多少而正其疆界此二者所以異也今
也起科納稅貢法猶存徧行於野不止於近城而

已然孟子之時暴君汚吏慢其經界則助法之壞
久矣至商鞅而盡廢之蔡澤謂其開阡陌以靜百
姓之業而一其志蓋勢必至於以壞而後可以杜其
爭也立法之初山谿間阻田已不彊盡并後世焉
能復之故限田之議均田之制口分世業之法自
漢以來行莫之成焉丘文莊公配丁田法一丁占
田一頃當一夫差役仕宦優免及其子孫以寓世
祿之意其庶乎否則無益之空談也封建有四制
焉吾能言之一曰封先代之後以作賓二曰封宗
子以作城三曰封異姓以作藩四曰封疆夷以作

鎮行是四制而又經之以九服緯之以五等馭之
以廢議通之以往來聯屬天下如一體然其法良
矣然詩書所稱三監以殷叛居東三年斧破戕缺
殘奄至于將蒲姑猶鋤成王而荆舒懲徐戎淮夷
興周公之世若以其紛紛也舟膠於楚而巡狩述
職寢廢去成康之世若以其近也夫俶焉且爾而
何終之能令是亦勢也然其實公天下之心乎愛
惡相攻其人之情乎公天下以為心而不盡人之
情勢不盡行而吾之仁固洽也今封建不可復矣
慎擇守令久任郡縣將不為州牧鄉遂大夫之比

乎九載通考然後黜陟陟其明者增秩使仍治之
自守令而牧伯自牧伯而公卿是亦加地進律者
也而又奚以封建為哉乃若肉刑始於苗民之淫
用堯懼其為世訓也取而節之使必若苗民者然
後准故曰報讐以威舜又多為之法以出之而夏
於贖刑為尤詳至周文武尤謹庶獄而成康措之
者四十餘年穆王訓刑非重之也使四方知刑者
聖王愛民之具而非以戕民也是則文帝除之得
聖王意矣其可復邪學校雖存而蘇氏謂取士論
政弦誦不與古合斯則復之可也

古之學者說樂而不愠故其仕也休休如有容今之
學者愠而不說樂故其仕也戚戚如不足書曰必
有忍其乃有濟有容德乃大忍以耐事已謂度內
威之而不殺拂之而不動何大事不可斷何大業
不可建哉見譽而喜聞毀而戚相高相軋而不能
以一朝安甚至忿疾聞狠殺身亡家是則愠之流
害也惟此心純乎理義則無入而不自得一毫拂
之而愠萌焉譬若塵沙入目作急屏除亦惟誠之
於思而已陽明曰立誠二字殺人湏就咽喉上着
刀予則曰不愠二字教人湏就性情上用功」

問有見於為邦無見於為道三子者之撰也有見於
為道無見於為邦點之志也點雖見與而為邦者
終亦遽焉將安取衷乎哉曰舞雩詠歸非忘世也
對時育物同乎人而無我而奚容心焉胸次悠然
上下與天地同流天德也舉而措之王道也必使
有勇且知方焉者必使足民焉者必為擴相焉者
雖皆為邦之才情也有我而未大也聖人絕意必
固我之私而用舍行藏奚容心焉故曰天何言哉
四時行焉百物生焉天何言哉安老懷少綏來勅
和名得其所是無心而成化者也天體物而不遺

仁體事而無不在育物仁之理也同人仁之量也
上下同流仁之用也他日孟武伯問三子者之仁
子皆稱之如其志而仁皆答以不知是則點之志
志於仁矣雖若不屑於用世擴而充之心無非事
是為道也寔亦可以為邦也其斯點之所以與乎
問由仲尼而來濂洛關閩聞而知之矣何王道之終
弗行也曰王道本於天德者也其體誠醇其用誠
大其功誠遠其化誠緩故行之難也體誠醇矣矯
偽襲取之術售焉而濫用誠大矣清淨浮誕之習
徇焉而狹功誠遠矣富強近利之謀用焉而陋化

誠緩矣刑憲操切之令章焉而促是非行之難也
絕有我之私之難也故仲尼之道大矣而天下莫
能容點也狂者進取有見乎其大不屑乎其小殆
亦可與適道以達天德者與故曰不得中行而與
之

聖賢之學用世而已矣曰如或知爾則何以哉此探
群弟子用世之志也曾點以所見大意言之推而
錯諸天下之事堯舜功業豈外是哉乃若公孫丑
以加齊卿相得行道為問則亦自孟子用世言也
時無仲尼以道自任其所以不動心者知言養氣

皆運用自心以宰制天下不徒如點之有見而已
固將以有行也知言則明夫道義於天下之事無
所疑養氣則配夫道義於天下之事無所懼天下
豈有心外之事哉蓋無所為而為者義也王道也
有所為而為者利也霸功也氣由義生而制事急
遽則不能以無謬故常集義雍容為所當為欲所
當欲而不預期其尤苟意必一萌則計功謀利道
義弗存剛大者索然餒矣此天理存亡之幾王霸
之所以分也勿正則易忘勿忘則易助皆相因者
亦惟必有事焉時時自省而已勿忘者由不為達

諸所為而心無間息由不欲達諸所欲而心無少
昏勿助長者惟無為其所不為而不見小以俸大
也惟無欲其所不欲而不欲速以求剛也念念今
天理之正事事即人心之安靜則植穉待時成熟
浩然則大孰能禦之若義襲而取則駭而霸矣丑
也並舉王霸以待其師何其無見與後世心學惟
以勿忘勿助之謂為文武火候陽明曰不於必有
事上用功而懸空守着勿忘勿助是未曾漬水下
米而專放火燒鍋也吾恐火候未及調停而鍋已
裂矣

臯陶明刑淑問而不仁者遠其言天叙有典必曰勅
我天秩有禮必曰自我凡命德討罪皆自天出而
已私不與焉謝氏顯道曰人誰識真我真我者何
理是已若臯陶其識真我者乎今夫雞鳴而起凡
百日用器物皆以為我而不知其非真我也甚至
左右厮役雖惡且逆亦以為我而曲護之客氣一
動包然震怒言貌變而耳目昏不能反躬而天理
滅矣於戲天豈遠乎哉地上之氣皆天也呼吸視
聽與天氣相入而不須臾離故天之聰明明威無
非人而人之出姓類所無非天也能識真我而以

我視以我聽以我言以我動則循理而天矣苟認
外物為我而妄亂天則是自賊者也仁者固如是
乎是故必識真我以為天下國家然後能立仁者
之力

敬一之義子九經箴首脩身曰敬者內外動靜合一
之謂也齊戒明索以正其心心正則容正故一其
內以制其外盛服儼然以正其容容正則心正故
一其外以養其中禮者理之顯也非禮者欲之肆
也未動則防非禮之將萌既動則防非禮之投閒
動靜一於禮則是一者無欲也由敬至於誠矣惟

之自尊親以至柔懷有條不紊孰非天理之顯者
乎或問九經與禹謨九功洪範九疇同異曰皇極
其脩和之本乎脩身則皇建其有極矣以人合天
以人治人大氏皆事之出於心者爾可以心神會
而不可以文字拘也

春秋者聖人經世之志也幽王之亂中國夷狄混而
為一矣平王東遷世道益降而春秋作致謹於夷
夏之辨必內中國外夷狄而後世道可復也故夷
狄能從中國盟會則人之能行聘禮則爵之能正
中國所不能正之罪則酌輕重以許之及行詐謀

用狄道則斥而外之猶夫故也經世之本立人之
道仁義而已五霸桓公為盛其事功正而不誘恤
中國之患仁也攘夷狄之患義也故春秋予焉為
世道計也其聖人之權與然恤患則書曰次于聶
北救邢次者行仁之緩也攘夷則書曰遂伐楚次
于涇遂者行義之專也自二帝時之救邢不如伐
楚之烈然因楚燕姬遂使燕以伐楚其意私矣在
帝王則由仁義行非行仁義豈若假仁義而誦
兵者哉專封並嫡則五禁先自犯之矣故楚滅
黃狄復侵鄭晉文以下譎而不正況以貪欲行之

哉故曰五霸三王之罪人也王者其必求端於天
乎故書元年備四時者示人君法天德也有天德
則可以語王道

管子曰明一者皇察道者帝通德者王得兵勝者霸
漢人以皇帝王伯象春夏秋冬者又在其後矣此
皇極經世所謂天道之變聖人之權也永康陳同
甫自謂窮天地造化之初攷古今沿革之變以推
極皇帝王伯之道而得漢魏晉唐長短之由天人
之際昭昭然可察而知也非有得於子邵子之書
與上孝宗書陳其所學如此且謂今世之儒自以

為得正心誠意之學者皆風痺不知痛痒之人也
舉一世安於君父之讎而方拱手以談性命不知
何者謂之性命乎最後請遷都建鄴守京口采石
以為股肱雖召上殿以定大事然竟不能用也嘗
謂聖賢之精微常流行於事物儒者失其指故不
足以開物成務呂東萊極推重之朱子過其山居
與語現其祖素司有心派別後累書論三代盛衰
古今盡制漢唐盛時雖不能盡而亦有將公者
之詞有不盡而無常法之大有不備而無常
故之豈亦素秋之權子其大意則欲匡中興而正

夷狄爾著酌古論二十篇首稱光武餘皆有見朱
子與書詞多峻而同甫益謙予讀其集而深悲之
同甫固奇才也時不能用與之適道可也元末我
師取采石遂都金陵頓兵京口遂混一中原然則
同甫之見卓矣哉

龍湖張子治論機權以濟天下事變予曰溫公嘗論
機權矣機者勢之所以發矢者也機正於此而的
中於彼差之毫微失之甚遠聖人所慎無過此者
方勤之愷然見之故能去禍而取福迎吉而禦
凶權所以審輕重緩急者也彼重而此輕則舍此

而取彼彼緩而此急則去彼而就此取舍去就之間不離於道乃所謂權也機者仁之端也權者義之平也聖人未嘗斯須不用者機權而已矣仲尼去魯去衛其審機乎斟酌禮樂其惟顏子可與權乎後世惟孔明近之下教今日諸有忠慮於國者但勤攻吾之闕則事可成賊可平以前定之機也然而不能止昭烈伐吳機不在我也又曰吾心知秤不能為人作輕重此不窮之權也然而不能止昭烈立劉琦妻為后權不在我也故合機與道道前定則不窮矣其誠乎開誠心布公道是也

子曰然

詩稱正直是與吾觀聖賢皆以正直為本而忠厚以
濟之三家者無曾矣季氏尤專八佾舞於庭曰是
可忍也孰不可忍也非孔子之正直乎王安石相
神宗君臣如一人對上曰王安石之學不是其身
猶不能自治非程伯子之正直乎吾深有感焉
有子之論言行交際也謹始厲終得前定之機焉凡
言論相接先自忍默及將然諾則必思曰義乎非
義乎非義之義乎必近義而後許之否則駟不及
舌不可踐也揖讓相見先自雍容及將致恭則必

思曰禮乎非禮乎非禮之禮乎必近禮而後行之
否則病于夏畦亦可醜也交結相依先自審察及
將委摯則必思曰可親乎不可親乎彼何人斯而
可出入其門乎必可親而後依之否則比之匪人
不可主也雖居大位負重名者其可忽哉徐武功
悔婚於馬士權王威寧屈膝於汪直吳康齋稱門
下士於石亨足為殷鑒也已
是故君子應事處物
三復斯言庶幾趨吉而取福

詩曰鶴鳴于九臯聲聞于天有實之名也易曰翰音
公于天無實之名也吾觀有周文王緝熙敬止

法后昆故成王學有緝熙于光明可謂鶴鳴子和者矣垂鴻萬世不亦宜乎乃若夏啓能敬承禹之道厥有茲子曰五觀嘗叛啓作亂啓命彭壽討而降焉以子叛父豈特不敬哉及其為弟作五子之歌曰為人上者柰何不敬說者乃稱其賢何也無亦翰音之謂乎後世巧言盜名者何以異於是餘冬序錄王安右解詩凡百君子各敬爾身胡不相畏不畏于天而曰世雖昏亂君子不可以為惡自敬故也畏人故也畏天故也及行新法乃告君以天變不足畏祖宗不足法人言不足恤何也因併

及之

人君未嘗不好治而惡亂亦未嘗不欲用君子而去
小人然訪之左右未必不如齊人之譽阿大夫也
訪之百官未必不如八司馬之譽王叔文也訪之
元老大臣未必不如張禹之黨王鳳也訪之耳目
言官未必不如劉栖楚之黨李逢吉也遂使人君
聰明惑亂心無所主君子將用而復舍小人將舍
而反用於是天天下禍亂始起於偏信之私矣秦二
世信趙高天下潰叛而不得聞梁武帝信朱异侯
景向關而不得聞隋煬帝信虞世基賊徧天下而

不得聞故人君兼聽則明偏信則暗唐虞闢四門
明四目達四聰雖有共鯀不能蔽也靖言庸違不
能惑也彭公韶曰時御午朝與九卿商確大政其
亦兼聽之道與

自古小人將竊權寵必先窺伺主意而迎合之欲擠
君子必固結有力者以為黨援然後君子不得以
自容當庸暗之主則顯擠之石顯之於蕭望之是
也當材明之主則陰擠之賈充之於任愷是也然
言行俱邪者其惡易見以正言飾邪行者其惡難
知唐高宗為太子李義府為其舍人嘗獻承華箴

宋云佞諛有顏邪巧及方其萌不絕其害必彰實
諂事太子而文若讜直者及高宗立與許敬宗陰
揣帝私將立武氏進言使帝廢正后易太子殺大
臣一舉而三綱皆絕遂俱拜相惟斯是利賣官市
獄門如沸湯其後武氏得志易唐為周嗚呼凶于
而國一至此邪人主可以鑒矣

無泉何公孟春為少宰嘗問曰王祥何曾褚淵皆孝
友人也祥曾歷事魏晉淵受宋顧命而乃心齊禪
然則求忠臣於孝子之門奚足據哉揚雄之恬靜
阮籍之放逸周顒之高蹈宜非利達所能動矣而

維為莽大夫著劇秦美新籍為晉造九錫文顯代
蕭道成答沈攸之書竟以矯妄之詞自損忠貞之
節何哉予對曰君子以成德為貴物交而心不動
者德成之驗也不能勝物而動其心德固未成與
公曰是則然矣小人難知甚於君子倚宮掖以自
固則去之尤難家事無預外人一語爾李勣以以
言贊高宗廢王后以自結於武氏林甫復以以言
贊明皇廢三子以自結於惠妃詩曰盜言孔甘以
之謂也盧杞則不然受知德宗初無所倚也忌張
鎰忠直則曰鳳翔將校非宰相不可鎮撫遂出為

節度使死於李楚琳惡類真卿挺正敢言則曰真卿四方所信可不勞師而定遂使宣慰李希烈為其所殺忌李愬才望則曰揆練故事愬行則人不辭遠使遣往吐蕃會盟還卒于鳳州夫杞非有所毀也陽托公論使聽者無疑而受者至無以自解以其甘言視二李尤巧人主何由覺之予曰人主不兼聽則蔽臣欺罔言無不從矣國家大事必也會議推舉則被焉能投間乎此唐虞之所以必然謀也公嘆曰子可謂知成法者矣

帝王好謀能斷乃可以達大事定大業然謀固不易

而斷為尤難漢世僉謀果斷尚猶近古輔相公卿
聽總群策而裁之乃取制詔可否棄珠厓則用詩
詔賈捐之議止單于保塞則用郎中侯應議不受
匈奴使者詐降則用光祿大夫谷永議許單于入
朝則用黃門郎楊雄議棄涼州不可則用郎中虞
詡議不絕西域以制北匈奴則用軍司馬班勇議
交趾蠻叛罷遣大將選刺史太守以往則用議郎
李固議涼州兵亂謂不可則用議郎傅燮議以八
事所係利害甚大而郎大夫建白獨異元成哀安
順靈六帝皆非明主能違衆用之而大臣亦不堅

執蓋公道存焉爾唐憲宗伐淮蔡不惑群議獨任
裴度以成功宋真宗澶淵之役宰執有欲避其鋒
勸幸吳蜀者獨從寇準謀虜乃輸平大臣得人故
也孫權拒曹操吳人懼衆寡不敵張昭以舊臣勸
權迎之果從其謀必不能成赤壁之功建昌峙之
國與周世宗欲征劉旻馮道以四朝遺老力諫止
之果從其謀豈能成高平之捷北取三關乎新不
知舊少不如老而誤事若此則人君亦惟審勢度
持義以理義而已夫國之大事在祀與戎而大業
之成在戰與守自宋以來郊廟之議猶且紛然而

況於治內籌邊乎慎選論思之臣稽古以備顧問
則人君果斷乃有所據故說命曰事不師古匪說
攸聞

謀臣在內腹心也勇將在外羽翼也聯為一體不使
損折則動靡不勝矣曹操自擊烏桓諸將皆諫破
敵而還賞前諫者曰乘危徼幸天所佐也諸君之
諫萬安之計是以相賞袁紹進軍攻許田豐以曹
操既破劉備許下非復空虛不宜便行紹不從遂
敗紹還曰吾不用豐言果為所笑於是殺豐觀二
人所以待腹心者則成敗可知矣操之取荊州也

劉備孫權大破之江南諸郡歸心於備權假備荊州牧而勸備取蜀則其心可知矣夫天下大形勢南莫如荆欲圖恢復而棄荆就蜀雖庸夫知其無能為之關羽近江陵權遣魯肅拒羽則其謀已露矣為備計者宜遣法正往江陵為羽謀主可以為子應援而方王漢中不復顧羽及羽自江陵拔兵勢圍操將曹仁於樊操帥師救樊羽敗走權使呂蒙邀擊斬羽視公孫瓚不救別將遂為袁紹所困亦可以興夫羽翼既翦雖有復心尚安所施乎羽固自是孤矣以備乃以不復中興也

天下之大患二有與天地俱者矣黃河是也有與生
民俱者矣夷狄是也吾嘗謂治虜如治河然禹之
治水醜而為二渠疏而為九河所以殺其勢也夷
狄亦然漢之匈奴今之蒙古也唐之回紇今之瓦
剌也春秋之山戎唐宋之契丹今之朶顏三衛也
唐之渤海宋之女直今之建州衛也昔嘗分蒙古
為二瓦剌為三朶顏建州衛所殆將百數其勢分
則其情貳受我官爵利我賞賜猶河之分而不能
決也今則虜合為一矣安得而不滔天平詩曰心
之憂矣不遑假寐此之謂也